

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primijeno:	17-06-2022		
Org. jed.	Kl. ozna.	Red. broj	Br. priloga
01	04	1834/22	

Broj: 02-04-1790/22-AP-3
Datum: 16.06.2022. godine

GRADSKO VIJEĆE ZAVIDOVIĆI
n/r PREDSEDAVAJUĆA GRADSKOG VIJEĆA
mr. iur. Erna Merdić Smailhodžić

PREDMET: Prijedlog Odluke o viziji razvoja mjesnih zajednica u Gradu Zavidovići, dostavlja se

U prilogu akta dostavljam Vam Prijedlog Odluke o viziji razvoja mjesnih zajednica u Gradu Zavidovići.

Prijedlog Odluke o viziji razvoja mjesnih zajednica u Gradu Zavidovići dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.




GRADONAČELNIK

doc. dr. Hašim Mujanović



**Služba za upravljanje društvenih djelatnosti,
pitanja boraca i opću upravu**

Broj:04-45-15/22-AP-177
Datum, 10.06.2022.godine



STRUČNA SLUŽBA GRADONAČELNIKA
- O v d j e -

Predmet: Prijedlog Odluke o viziji razvoja mjesnih zajednica u Gradu Zavidovići,
dostavlja se-

Poštovani,

U prilogu akta dostavljamo Vam Prijedlog Odluke o viziji razvoja mjesnih zajednica u Gradu Zavidovići na dalje razmatranje i upućivanje prema Općinskom vijeću Zavidovići.


Pravni osnov za usvajanje Prijedloga Odluke je Zakon o principima lokalne samouprave („Službene novine Federacije Bosne i Hercegovine“, broj: 49/06 i 51/09) i član 10. Statutarne Odluke Grada Zavidovići („Službeni glasnik Grada Zavidovići“, broj: 4/2022)


Razlog donošenja Odluke je u skladu sa potpisanim Memorandumom o razumjevanju Razvojnog programa Ujedinjenih naroda i Općine Zavidovići, broj: 02-04-1654/21 od 01.07.2021. godine i Pismom sporazuma između Razvojnog programa Ujedinjenih naroda i Općine Zavidovići, broj: 02-11-1935/21 od 12.07.2021. godine.

Nakon prihvatanja/ usvajanja Vizije od strane Gradskog vijeća Grada Zavidovići stvorice se mogućnosti za kreiranje operativnog plana (što je naš naredni zadatak) kojim će se na osnovu ranijih analiza (početnog pregleda stanja, dijaloških sastanaka, anketnih upitnika i dr.) identifikovati konkretne aktivnosti i projekti čijom realizacijom će se unaprijediti položaj mjesnih zajednica Grada Zavidovići.


Predlaže se donošenje Odluke po skraćenom postupku zbog toga što će se raditi Operativni plan implementacije Vizije razvoja mjesnih zajednica za Grad Zavidovići za period 2023.-2025., po kome će se provesti Javna rasprava.

1.Naslovu,
2.a/a.

Obradila: 
(Selma Džafrović, dipl.politolog)



POMOĆNIK GRADONAČELNIKA
Idriz Alihodžić, prof.





Broj: 02-04-1790/22-AP-2
Datum: 16.06.2022. godine

Na osnovu člana 13. Zakona o principima lokalne samouprave („Službene novine Federacije Bosne i Hercegovine“, broj: 49/06 i 51/09) i člana 10. Privremene Statutarne Odluke Grada Zavidovići („Službeni glasnik Grada Zavidovići“, broj: 4/2022), Gradsko vijeće Zavidovići na __. sjednici održanoj __. 2022. godine usvaja:

ODLUKU
o viziji razvoja mjesnih zajednica u Gradu Zavidovići

Član 1.

1. Vizija razvoja mjesnih zajednica temelji se na sljedećim principima:
 - **Reprezentativnost** – U izboru organa mjesnih zajednica treba obezbijediti učešće što većeg broja različitih kategorija stanovništva kako bi se postigla njihova proporcionalnost zastupanja i rada, naročito vodeći računa o mladima, ženama i socijalno isključenim kategorijama.
 - **Odgovornost** – Mjesna zajednica mora biti odgovorna prema svojim građanima i građankama, ali i prema lokalnim vlastima. Legitimno izabrani predstavnici mjesnih zajednica trebaju odgovorno vršiti funkcije koje su im dodijeljene.
 - **Inkluzivnost** – Povećati uključenost svih građana i građanki u rad i aktivnosti mjesnih zajednica, naročito žena, mladih i socijalno isključenih grupa.
 - **Koordinacija** – Unaprijediti koordinaciju, komunikaciju i međusobnu saradnju između mjesnih zajednica i organa lokalne vlasti kao i između mjesnih zajednica i građana i građanki i ostalih aktera od značaja za razvoj mjesne zajednice kao što su organizacije civilnog društva, komunalna preduzeća, lokalne javne institucije, ne ograničavajući se na navedeno.
 - **Transparentnost i hijerarhija** – Smanjiti mogućnosti za zloupotrebe, osigurati zakonitosti i odgovornost u radu mjesnih zajednica kao i otvorenost za javnost i dostupnost informacija.
 - **Profesionalizacija i osposobljenost predstavnika mjesnih zajednica** – Povećati nivo profesionalizacije i osposobljenosti predstavnika mjesnih zajednica kroz kontinuiranu edukaciju i obuku, te osiguravanje prijenosa stečenog znanja i iskustava na sve buduće predstavnike mjesnih zajednica.

- **Nezavisnosti depolitizacija** – Omogućiti nezavisno i depolizovano funkcionisanje mjesnih zajednica, kao predstavnika zajednice i građana i građanki u poslovnima zastupanja njihovih interesa kroz nezavisno donošenje odluka u skladu sa zakonom i statutom.
 - **Demokratskog odlučivanja i participativnosti** – Kao principa koji će osigurati demokratsko pravo na učešće u odlučivanju kao i pravo da građani i građanke imaju pravo da biraju i budu birani na pozicije koje obavljaju u strukturama uspostavljenih tijela mjesne zajednice.
2. Vizija razvoja mjesnih zajednica u Gradu Zavidovići sprovodit će se kroz četiri modela mjesne zajednice:
- Mjesna zajednica kao prostor za zagovaranje i pristup upravi;
 - Mjesna zajednica kao mjesto za pružanje usluga stanovništvu;
 - Mjesna zajednica kao društveni centar;
 - Mjesna zajednica kao prostor za učešće građana.
3. Vizija razvoja mjesnih zajednica kroz model **Mjesna zajednica kao prostor za zagovaranje i pristup upravi** sprovodit će se kroz sljedeće identifikovane funkcionalne oblasti:
- Promocija uloge mjesnih zajednica i podsticanje aktivnijeg uključivanje mjesnih zajednica u proces izrade i usvajanja budžeta Grada i ostalih ključnih lokalnih propisa, politika i strateških dokumenata uz obezbjeđenje pravovremenih povratnih informacija predstavnicima mjesnih zajednicama;
 - Unapređenje procedura za finansiranje, rad i razvoj mjesnih zajednica uzimajući u obzir princip ravnopravnog razvoja cjelokupne teritorije grada Zavidovići;
 - Utvrđivanje učinkovitih metoda i procedura za efikasnu komunikaciju između Grada Zavidovići i mjesnih zajednica sa posebnim akcentom na pružanje pravovremenih povratnih informacija predstavnicima savjeta mjesnih zajednica kroz sistemsko i institucionalizovano uređenje protoka informacija između;
 - Podizanje svijesti o potrebi većeg učešće žena u strukturama mjesne zajednice i akcijama koje mjesna zajednica vodi u svrhu osiguravanja kvalitetnijeg života za sve na području mjesne zajednice;
4. Vizija razvoja mjesnih zajednica kroz model **Mjesna zajednica kao mjesto za pružanje usluga stanovništvu** sprovodit će se kroz sljedeće identifikovane funkcionalne oblasti:
- Stvaranje minimalnih organizacijskih, prostornih i tehničkih uslova za rad svih mjesnih zajednica na području Grada Zavidovići u skladu sa dobrim praksama u upravljanju mjesnim zajednicama, uvođenje programa obuke za osobe zadužene za rad sa mjesnim zajednicama kao i veća finansijska izdvajanja za troškove rada mjesnih zajednica;

- Stvaranje uslova da mjesna zajednica bude prepoznata kao mjesto gdje građani i građanke dobijaju pravovremene i pouzdane informacije, ostvaruju svoja prava i rješavaju probleme;
 - Obezbjedenje efikasne administrativno-tehničke podrške od strane gradske uprave za kvalitetniji rad mjesnih zajednica;
 - Jačanje saradnje između mjesnih zajednica i javnih komunalnih preduzeća, civilne zaštite, policije, zdravstvenih i školskih ustanova, centra za socijalni rad u cilju kvalitetnijeg pružanja usluga stanovnicima mjesnih zajednica;
 - Jačanje kapaciteta i uloge mjesne zajednice u kvalitetnoj podršci socijalno isključenim grupama stanovništva i zaštiti stanovništva prilikom elementarnih nepogoda;
 - Osnaživanje kapaciteta mjesnih zajednica u organizaciji građanskih volonterskih radnih akcija.
5. Vizija razvoja mjesnih zajednica kroz model **Mjesna zajednica kao društveni centar** sprovodit će se kroz sljedeće identifikovane funkcionalne oblasti:
- Osiguranje infrastrukturnih i tehničkih uslova kojim će se dugoročno ispuniti uloga mjesne zajednice kao društvenog centra kao i formalno-pravno uređenje korištenja prostorija mjesne zajednice kao društvenog centra, centra kulture i sporta;
 - Promocija građanskog aktivizma u mjesnim zajednicama i zastupanje interesa građana kroz afirmaciju građanskog aktivizma;
 - Jačanje saradnje između mjesnih zajednica na području grada Zavidovići kako bi se što efikasnije angažovali na rješavanju problema od zajedničkog interesa;
 - Razvoj saradnje sa nevladinim organizacijama, naročito saradnje sa udruženjima koja zastupaju interese mladih, žena i osoba sa invaliditetom, i jačanje svijesti o ulozi nevladinih organizacija i mogućnostima za konkretnu saradnju mjesnih zajednica sa nevladinim organizacijama.
6. Vizija razvoja mjesnih zajednica kroz model **Mjesna zajednica kao prostor za učešće građana** sprovodit će se kroz sljedeće identifikovane funkcionalne oblasti:
- Osiguranje prostora za okupljanje građana i građanki s ciljem njihovog učešća u procesima donošenja odluka na lokalnom nivou;
 - Utvrđivanje inovativnih mehanizama za proaktivnije učešće građana u javnim raspravama i drugim oblicima građanskog učešća u poslovima mjesne samouprave;
 - Afirmisanje djelovanje foruma građana kao oblika demokratskog odlučivanja, promocijom sadržaja koji prate organizaciju i ishode foruma;
 - Uključivanje žena u mjesnim zajednicama u procese donošenja planova za razvoj mjesnih zajednica, uključujući pitanja za poboljšanje života žena u MZ;
 - Uspostavljanje učinkovitije komunikacije i većeg stepena informisanosti građana o pitanjima važnim za građansko učešće u donošenju odluka.

7. Zadužuje se Gradonačelnik Zavidovići da u periodu od najkasnije 90 dana od dana usvajanja Vizije razvoja mjesnih zajednica Grada Zavidovići, putem svojih stručnih službi izradi Operativni plan implementacije Vizije razvoja mjesnih zajednica za Grad Zavidovići za period 2023.-2025.
Operativnim planom neophodno je utvrditi dinamiku implementacije predloženih mjera i aktivnosti, neophodna finansijska sredstva, odgovorne službe za njihovu implementaciju, načine mjerenja učinaka, nadzor nad njegovom implementacijom kao i dinamiku izvještavanja, minimalno na godišnjoj osnovi.
8. Kroz izradu operativnog plana neophodno je predvidjeti mjere i aktivnosti koje će rezultirati što većim uključivanjem različitih kategorija stanovništva u organe mjesnih zajednica, kako bi se osigurala reprezentativnost i proporcionalnost u zastupanju i radu, naročito vodeći računa o zastupljenosti žena i mladih.

Polazeći od činjenice da je lokalna samouprava jedan od temelja ustavnog uređenja te da je mjesna zajednica jedan od najznačajnijih oblika učešća građana i građanki u procesu donošenja odluka na lokalnom nivou, sa najdužom tradicijom postojanja.

Uzimajući u obzir opredjeljenje za razvoj lokalne demokratije u skladu sa principima Evropske povelje o lokalnoj samoupravi.

Svjesni potrebe da se učešće građana i građanki u donošenju odluka na lokalnom nivou treba poboljšati i da ga je na najbolji način moguće ostvariti kroz mjesnu samoupravu te saradnju mjesne zajednice i organa jedinice lokalne samouprave.

U želji da se građanima i građankama olakša pristup javnim uslugama te da se osigura lokalni razvoj po mjeri svakog građanina uz premisu da „niko ne smije biti isključen“.

Član 2.

Odluka stupa na snagu od dana objave u „Službenom glasniku Grada Zavidovići“.

PREDSJEDAVAJUĆA
GRADSKOG VIJEĆA

mr. iur. Erna Merdić Smailhodžić

O B R A Z L O Ž E N J E

PRAVNI OSNOV DONOŠENJA ODLUKE

U članu 13. stav 2. alineja 9. Zakona o principima lokalne samouprave („Službene novine F BiH“, broj: 49/06 i 51/09) propisano je: „Vijeće u okviru svojih nadležnosti: donosi odluke o organizaciji mjesne samouprave i nazivima ulica, trgova i dijelova naseljenih mjesta;“.

U članu 25. stav 1. tačka 11. Statuta Općine Zavidovići („Službeni glasnik Općine Zavidovići“, broj: 5/08, 5a/08,11/19) propisano je: “Općinsko vijeće u okviru svojih nadležnosti: donosi odluke o organizaciji mjesne samouprave i nazivima ulica, trgova i dijelova naseljenih mjesta;“.

RAZLOZI DONOŠENJA ODLUKE

Općina Zavidovići je dana 10.06.2021. godine potpisala Pismo o izražavanju interesa i preuzimanju obaveza u projektu broj: 02-45-21/21-AP-82, dana 01.07.2021. godine potpisan je Memorandum o razumijevanju između Razvojnog programa Ujedinjenih naroda i Općine Zavidovići, broj: 02-04-1654/21 i dana 12.07.2021. godine Općina Zavidovići je potpisala Pismo sporazuma između Razvojnog programa Ujedinjenih naroda i Općine Zavidovići, broj: 02-11-1935/21.

U cilju realizacije II faze Projekta „Jačanje uloge mjesnih zajednica u BiH“ potrebno je provesti skraćeni postupak zbog toga što će se raditi Operativni plan implementacije Vizije razvoja mjesnih zajednica za Grad Zavidovići za period 2023.-2025., po kome će se provesti Javna rasprava.

Pismom o izražavanju interesa i preuzimanju obaveza u projektu, Gradonačelnik Grada Zavidovići izrazio je spremnost u ime jedinice lokalne samouprave, da će osigurati i podržati lokalizaciju vizije mjesnih zajednica kao i usvajanje metodologije i ostalih pravnih akata za rad sa mjesnim zajednicama.

Nakon prihvatanja / usvajanja Vizije od strane Gradskog vijeća Grada Zavidovići stvorit će se mogućnost za kreiranje operativnog plana (što bi bio naredni zadatak), kojim će se na osnovu ranijih analiza (početnog stanja, dijaloških sastanaka, anketnih upitnika i dr.) identifikovati konkretne aktivnosti i projekti čijom realizacijom će se unaprijediti položaj mjesnih zajednica Grada Zavidovići.

KONSULTACIJE KOJE SU VOĐENE PRILIKOM IZRADE ODLUKE

Izrada Odluke rađena je od strane Službe za upravu društvenih djelatnosti, pitanja boraca i opću upravu na osnovu potpisanih akata: Pismo o izražavanju interesa i preuzimanju obaveza u projektu broj: 02-45-21/21-AP-82, Memorandum o razumijevanju između Razvojnog programa Ujedinjenih naroda i Općine Zavidovići, broj: 02-04-1654/21 i Pismo sporazuma između Razvojnog programa Ujedinjenih naroda i Općine Zavidovići, broj: 02-11-1935/21. Održano je niz dijaloških sastanaka sa građanima mjesnih zajednica i predstavnicima UNDP-a, provedeno nekoliko anketnih upitnika kako bi se utvrdilo početno stanje funkcionisanja mjesnih zajednica, te nekoliko seminara i konsultacija, a što je rezultiralo donošenju predmetne Odluke.


FINANSIJSKA SREDSTVA POTREBNA ZA SPROVOĐENJE ODLUKE

Za realizaciju ove Odluke nisu potrebna finansijska sredstva.


GRADONAČELNIK

doc. dr. Hašim Mujanović

Obradila:


(Selma Džaferović)

Kontrolisao:


(Idriz Alihodžić)





Komisija za Statut i propise

Broj: 01-04-1834/22-AP-2

Datum: 21.06.2022. godine

Na osnovu člana 13, 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19, 4/21 i 4/22), Komisija za Statut i propise na 5. sjednici održanoj dana 21.06.2022. godine, razmatrala je Prijedlog Odluke o viziji razvoja mjesnih zajednica u Gradu Zavidovići, pa nakon rasprave donijela

ZAKLJUČAK

1. Komisija za Statut i propise smatra da je Prijedlog Odluke o viziji razvoja mjesnih zajednica u Gradu Zavidovići, u skladu sa zakonom i drugim propisima.
2. Prijedlog Odluke o viziji razvoja mjesnih zajednica u Gradu Zavidovići, dostavlja se predsjedavajućoj radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Arnes Sinanović, dipl. pravnik



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Komisija za poslove mjesnih zajednica

Broj: 01-04-1834/22-AP-4

Datum: 21.06.2022. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 50. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19, 4/21 i 4/22), Komisija za poslove mjesnih zajednica na 2. sjednici održanoj 21.06.2021. godine, razmatrala je Prijedlog Odluke o viziji razvoja mjesnih zajednica u Gradu Zavidovići, pa nakon rasprave donijela

ZAKLJUČAK

1. Komisija za poslove mjesnih zajednica prihvata Prijedlog Odluke o viziji razvoja mjesnih zajednica u Gradu Zavidovići.
2. Prijedlog Odluke o viziji razvoja mjesnih zajednica u Gradu Zavidovići, dostavlja se predsjedavajućoj radi uvrštavanja u dnevni red sjednice Gradskog vijeća Zavidovići.
3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Hakija Mujanović



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za društvene djelatnosti,
ljudska prava, mlade i
ravnopravnost spolova**

Broj: 01-04-1834/22-AP-3

Datum: 22.06.2022. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 47. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19, 4/21 i 4/22), Komisija za društvene djelatnosti, ljudska prava, mlade i ravnopravnost spolova na 2. sjednici održanoj dana 22.06.2022. godine, razmatrala je Prijedlog Odluke o viziji razvoja mjesnih zajednica u Gradu Zavidovići, pa nakon rasprave donijela

ZAKLJUČAK

1. Komisija za društvene djelatnosti, ljudska prava, mlade i ravnopravnost spolova prihvata Prijedlog Odluke o viziji razvoja mjesnih zajednica u Gradu Zavidovići.
2. Prijedlog Odluke o viziji razvoja mjesnih zajednica u Gradu Zavidovići, dostavlja se predsjedavajućoj radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

